

ՍՓՅՈՒՌԱՆՆԵՐ ԿՅԱՆՔ ԺԻՅՆԻ ԶԱՐԱԲԵՋՆԻՔԻ ԱՐՄՅԱՆ

ՄԵԴԱԿՈՒԹԱՅԻՆ ԵՎ ՀԱՍԱՐԱԿԱԿԱՆ ԿՅԱՆՔԸ ՍՓՅՈՒՌՔՈՒՄ

(1967 թ. հունվար—հունիս)

ԲՈՒՂԱՐԻԱ

Բուլղարական ռաբոդնա կուլտուրա ճրատարակչությունը 25.000 տպաքանակով տպագրել է Վ. Անանյանի «Հովազաձորի գերիները» դիրքորարդմանությունը ուսերենից կատարել է Մարիա Դրակովան, խմբագիրն է Ջորջա Իվանովան, նկարները՝ Խրիստո Նեյկովի, Հեղինակի և գրքի մասին ներածականը գրել է Կարո Հայրապետյանը:

«Երևան», 10 մարտի.

• • •

Ապրիլի 5-ին Ռուսելում կայացել է Ս. Լազարովի դասախոսությունը՝ նվիրված կոմպոզիտոր Արամ Խաչատրյանի կյանքին և ստեղծագործություններին:

«Երևան», 21 ապրիլի

• • •

Բուրգազում, Սլիվենում, Յամբուլում և Ռուսելում փետրվարին և ապրիլին տեղի է ունեցել Ա. Պերպերյանի դասախոսությունը՝ «Դանիել Վարուժանի կյանքը և ստեղծագործությունը» թեմայով:

«Երևան», 17, 24 փետրվարի,
10 մարտի, 21 ապրիլի

• • •

Սլիվենում փետրվարի 12-ին Հայ մշակույթի տանը կազմակերպվել է հանդես՝ նվիրված Վարդանանց պատերազմին, որի մասին զեկուցել է Մ. Արզարյանը:

«Երևան», 24 փետրվարի

• • •

Սոֆիայում փետրվարի 18-ին Հայ մշակույթի տանը տեղի է ունեցել տեղի «Երևան» երգչախմբի տարեկան երեկույթը:

«Երևան», 3 մարտի

• • •

Բուրգազում փետրվարի 19-ին «Երևան»-ի ակումբում տեղի է ունեցել «Մեսրոպ Մաշտոց»

հայ դրերու ստեղծողը գասախոսությունը (դասախոս՝ Հ. Հակոբյան):

«Երևան», 3 մարտի

ՉԵԽՈՍԼՈՎԱԿԻԱ

Պրագայում Լյուդմիլա Մոտալովայի թաղամասային շխերեն լույս է տեսել Դ. Արշակյանի «Թրաշուշանները»:

«Լրարեր», 21 մարտի.

ԵԹՈՎՊԻԱ

Եթովպահայ գաղութում գոյություն ունեցող բազմաթիվ կազմակերպություններից և միություններից ամենից հինը Հ. Բ. Է. միության Ագիս-Արեբայի մասնաճյուղն է, որ հիմնվել է մոտ 1910 թ.: Այն ունի 80—90 անդամ, մեկ դպրոց՝ Ազգ. Գեորգով վարժարանը:

«Ջարթոն», 22 մարտի

ԼԻԲԱՆԱՆ

Բեյրութի Տոնիկյան ճրատարակչությունը անգլերեն լույս է ընծայել մեծ եղբունից հրաշքով փրկված հայուհի Օրորա Մարտիկյանի «The auction of souls» («Հողիների աճուրդը») հուշագրությունը: Գրքի առաջին ճրատարակությունը կատարվել է Լոնդոնում:

«Երիտասարդ Հայաստան», 20 հունվարի.

• • •

Բեյրութում հունվարի 24-ին բացվել է փառիզահայ նշանավոր գեղանկարիչ Բյուզանդ Թոփալյանի ցուցահանդեսը: Բացման հանդեսին ներկա են եղել լիբանանահայ մշակութային միությունների և տեղական ու օտար մամուլի ներկայացուցիչները:

«Ջահակիր», 9 փետրվարի

• • •

Հունվարի 28-ին Բեյրութում տեղի է ունեցել Եղիշե Ջարենցի ծննդյան 70-ամյակին նվիրված հանդիսավոր երեկույթ: Ջարենցին նվիրված զեկուցումներ են կարդացել Պ. Սիմոնյանը, Վ. Վահյանը: Վերջում տրվել է համերգ:

«Ջահակիր», 16 փետրվարի.

• • •

Բեյրութի Թեքեյան մշակութային միությունը մարտի 4-ին մեծ հանդիսավորությամբ նշել է նշանավոր երգիծականորի Ալեքսանդր Մարուրանի հասարակական ու արվեստասիրական գործունեության քառասունհինգ ամյակը:

«Զարթոնք», 4, 7 մարտի

• • •

1967 թ. փետրվարից Բեյրութի կանանց կուլեջում դասավանդում է հայոց պատմության և հայ մշակույթի դասընթաց անգլերեն լեզվով: Այստեղ սովորում են օտար ուսանողուհիներ և այն հայ ուսանողուհիները, որոնք հայկական վարժարաններ չեն հաճախել: Այս դասընթացի երեք տարվա ծախսերը ամբողջովին հոգացել է տիկին Պերճուհի Ապրոյանը:

«Զարթոնք», 21 մարտի

ԱՄՀ

Մարտի 28-ին Կահիրեում բացվել է Եգիպտոսի նկարչական ընկերության 43-րդ ցուցահանդեսը. որտեղ 100 արվեստագետներ ցուցադրել են 146 գործեր: Ցուցահանդեսին մասնակցել են նաև եգիպտահայ նկարիչները:

Ոսկե մեդալի էն արժանացել տաղանդավոր հայ նկարիչ Ս. Սամսոնյանը և արար նկարիչ Նապիլ Սուլիմանը:

«Ջահակիր», 30 մարտի

ՍՈՒԴԱՆ

Խարթումում գործում է Հայոց ազգային վարժարան: Աշակերտները սկսած մանկապարտեզից սովորում են հայերեն, անգլերեն և արաբերեն:

Խարթումի հայ գաղութը մեծ հոգատարություն է ցուցաբերում Ազգային վարժարանի նկատմամբ: Վարժարանը հանդես է գալիս գեղարվեստական և թատերական ներկայացումներով:

«Ջահակիր», 16, 23 մարտի

ՔՈՒՎԵՏ

Քուվեյտում այժմ կան 6000 հայեր, որոնք ունեն ազգային վարժարան՝ 200 աշակերտներով:

«Արարատ», 23 մայիսի

ՀՆԻԿԱՍՏԱՆ

Ընթերցում ներկայումս ապրում են 30 հայեր, կա մեկ հայկական եկեղեցի:

Կալկաթայի հայերի թիվը հասնում է 500-ի, թաղաքի երեք եկեղեցիները կառուցվել են 1707, 1867 և 1906 թվականներին: Մարդասիրական ճեմարանը ունի մանկապարտեզ և դպրոց՝ 11 դասարանից, 140 աշակերտներով:

Մադրասում ապրում են 5 հայեր, կա հայկական երկու եկեղեցի, որոնցից մեկը կառուցված է 1712 թվականին:

«Արարատ», 19 մայիսի

ԻՐԱՆ

Թեհրանում լույս է տեսել Մկրտիչ Արմենի «Հեղինար աղբյուր»-ը պարսկերեն, Օրվանդ Փափայանի թարգմանությամբ:

«Լրարեր», 18 մարտի

ԹՈՒՐԿԻԱ

Մարտի վերջերին Պոլսի Քաղաքապետական պալատի ցուցասրահում բացվել է սովետական նկարչության և քանդակագործության ցուցահանդես: Ցուցահանդեսին ներկայացված են նաև Մարտիրոս Սարյանի երեք գործերը:

«Արարատ», 20 ապրիլի

Պոլսում բնակվում են 65 հազարից ավելի հայեր: Հայկական դպրոցների թիվը 28 է, որից 5-ը երկրորդական (լիցեյ), ութը՝ միջնակարգ, իսկ մնացյալները՝ նախակրթական: Աշակերտության թիվը 8000 է: Դասավանդումը տարվում է հայերեն և թուրքերեն: «Մշակութային թատերասիրաց միությունը» 26 անգամ ներկայացրել է Պարոնյանի «Մեծապատիվ մուրացկաններ»-ը:

Պոլսում հրատարակվում են «Ժամանակ» և «Մարմարա» օրաթերթերը, «Քուլիս» ամսագիրը, «Արշավ» շաբաթաթերթը, «Կալուսոջ» երգիծաթերթը, «Ս. Փրկիչ» ամսագիրը, «Սան» զրական-գեղարվեստական պարբերաթերթը, «Պարտեզ» մանկական ամսագիրը, «Երջանիկ» տարեգիրքը: Օրաթերթերի տպաքանակն է 2500—3000, իսկ պարբերաթերթերինը՝ 400—500:

Ինչպես հայտնում է «Արարատը»՝ «կ'ըսուի թէ Թուրքիոյ ներքին գավառներու մեջ կապրին շուրջ 20 հազարի հասնող հայություն, ցրված Անգարայի, Կեսարիոյ, Խարբերդի, Ամասիոյ, Եոզկաթի, Տիգրանակերտի մեջ և այլուր: Անոնց վիճակը ողբալի է»:

«Արարատ», 7 մարտի

• • •

Պոլսի մշակութային թատերասիրաց միությունը վաղամեծիկ բանաստեղծ Մասթոս Զարիֆյանի հիշատակին ցերեկույթ է կազմակերպել: Պատրաստվել է նաև բանաստեղծին նվիրված գրքույկ:

«Աշխարհ», 18 ապրիլի

• • •

Ստամբուլի Մշակութային թատերասիրաց միության նպատակն է ստամբուլահայ երիտասարդությանը ծանոթացնել անցյալի և ներկայի հայ գրողների և արվեստագետների հետ: Միությունը կազմակերպում է թատերական ներկայացումներ, հուշ-երեկոներ:

Միությունը ունի վարչություն, մշակութային, գեղարվեստի և երիտասարդական հանձնախմբեր: Միությունը պատրաստվում է տոնելու Զարեհի 70-ամյակը:

«Աշխարհ», 30 մայիսի

• • •

Պոլսում Թորգոմ Ստեփանյանը լույս է բնծայել դիրք՝ նվիրված թուրք մշակույթին ծառայած հայ մտավորականներին և պետական գործիչներին:

«Զարթոնք», 20 մայիսի

ԶԻՆՆՈՒՄ

Ֆրանսիայի հեռուստատեսությունը ցուցադրել է Վիլյամ Սարոյանի «Ըմ սիրտը լեռներում է» պիեսը Ռոժե Ինգլիզի բեմադրությամբ:

«Ջահակիր», 27 մայիսի

• • •

Փարիզում լույս է տեսել «Այսօրվա բանաստեղծները» մատենաշարի 121-րդ հատորը՝ նվիրված Շառլ Ազնավուրին, նշանավոր քննադատ Իվ Սալկի հեղինակությամբ: Այս մատենաշարով լույս են տեսել մենագրություններ՝ նվիրված Պոլ Էլյուարին, Լուի Արագոնին, Տադոորին, Հայնեին, Բոդլերին և ուրիշներին:

«Ջահակիր», 19 հունվարի

• • •

Փարիզի օպերային բեմում աչքի է ընկել նոր աստղ՝ մեցցո-սոպրանո Լին Տուրյանը (նվարդ Տիրատուրյան): Ֆրանսիական մամուլը մեծագույն հիացմունքով է խոսել այս հազվագյուտ շնորհ ունեցող երգչուհու մասին:

Լա Սկալայի նշանավոր տենոր Բրունո Պրեվետին, որ ներկա է եղել Լին Տուրյանի ելույթին, շնորհավորել տաղանդավոր հայուհուն, ասել է. Միայն երկու երգչուհիներ կան աշխարհում, որոնք կարող են երգել էպոլիի դերերգերը Վերդիի «Դոն Կարլոս»-ի մեջ. դրանցից մեկը Ֆիորենցա Քոսսոտուն է, իսկ մյուսը՝ Լին Տուրյանը:

«Ջահակիր», 6 ապրիլի

• • •

Ֆրանսահայ մշակութային միության Շավիլի մասնաճյուղը հունվարի 25-ին կազմակերպել է

հայկական կինոնկարների ցուցադրություն Սովետական Հայաստանի 46-րդ տարեդարձի կապակցությամբ:

«Աշխարհ», 4 փետրվարի

• • •

Փարիզում մարտի 2-ին բացվել է Մուտաֆյանի ցուցահանդեսը: Ցուցահանդեսի բացմանը ներկա էր մեծ բազմություն, Փարիզի քաղաքապետը, որ ներկա էր ցուցահանդեսի բացմանը, Մուտաֆյանին հանձնել էր Փարիզ քաղաքի մեդալը և ջերմորեն զնահատել նկարչի գործերը:

«Աշխարհ», 13 մարտի

• • •

Փարիզի Օթել մոդեռնի սրահում ապրիլին տեղի է ունեցել Փարիզի հայ գրողների միության գրական երեկո՝ նվիրված Ավետիս Ալեքսանյանին և Հրանդ Գույումճյանին: Երեկոն բացել է Հր. Բալույանը: Ալեքսանյանի և Գույումճյանի գրական գործունեության մասին զեկուցել են Մառի Աթմաճյանը և Զարեհ Դրբունին: Վերջում խոսել է Զ. Խանզադյանը:

«Աշխարհ», 29 ապրիլի

ԻՏԱՆԼԻՄ

Հոռմում փետրվարի 20-ին բացվել է գրաֆիկական արվեստի ցուցահանդեսը, որին մասնակցել է Լեոն Ժամկոչյանը:

«Զարթոնք», 18 մարտի

• • •

Վենետիկի Միսիթարյան միաբանությունը լույս է բնծայել հայկական մանրանկարչությանը նվիրված մի հատոր՝ Սիրարփի Տեր-Ներսեսյանի ներածականով, Հատորը պարունակում է 9—13 դարերին վերաբերող 84 նկարներ: Գիրքը կրթարգմանվի ֆրանսերեն, իտալերեն և անգլերեն:

«Երեան», 3 փետրվարի

• • •

Իտալիայի Պարմ քաղաքի Հայ ուսանողական մշակութային միությունը կազմակերպել է «Հայ մշակույթի շաբաթ»: Մարտի 26-ից մինչև ապրիլի 2-ը ռադիոյով և հեռուստատեսությամբ դասախոսություններ են հաղորդվել հայոց պատմության, հայ ճարտարապետության, հայ երաժշտության, մանրանկարչության և հայ ծեսերի մասին:

«Երեան», 2 մայիսի

• • •

Եվրոպայի Հայ ուսանողական միության Պարմի մասնաճյուղը մարտի 28-ից մինչև ապրիլի

2-ը հայկական շաբաթ է կազմակերպել հայկական մշակույթը օտարներին ծանոթացնելու համար: Շաբաթի ժամանակ դասախոսություններ են կարդացվել հայոց պատմության, ճարտարապետության, երաժշտության, մանրանկարչության մասին:

«Աշխարհ», 18 ապրիլի

• • •

Ապրիլի 11-ին իտալահայ մշակութային միությունը կազմակերպել է հուշ-երեկո՝ նվիրված Համաստեղի հիշատակին:

«Աշխարհ», 18 ապրիլի

ԱՆԴՆԱԿ

Լիբանանահայ տաղանդավոր երգչուհի Լուիզա Պոզապայանը մեծ հաջողությամբ հանդես է եկել Լոնդոնի Արքայական օպերայում:

«Արարատ», 2 մարտի

• • •

Լոնդոնի համալսարանի կովկասյան բաժնի վարիչ, անվանի կովկասագետ, պրոֆեսոր-դոկտոր Դ. Մ. Լանգը հունվարի 18-ին դասախոսություն է կարդացել Արվեստների արքայական ակադեմիայում «Արդի Հայաստան և արդի Վրաստան» թեմայով: Դասախոսությանը ներկա են եղել մի շարք անգլիացի ականավոր պիտանականներ: Խոսելով Հայաստանի քաղաքական, տնտեսական, կրոնական, գիտական ու մշակութային կյանքի մասին, նա մասնավորապես նշել է. «Հայ ժողովուրդը աշխարհի ամենն ընդունակ, ամենն շարքառ ու շինարար ժողովուրդներն է: Շատ ճիշտ ընդունում է այն, թե հայը քարը հացի կվերածնա: Նա անդրադարձել է մեծ եղեռնին, ինչպես նաև խոսել է Արևմտյան Հայաստանի հայկական հուշարձանների վիճակի մասին: Այնուհետև նա խոսել է այսօրվա Հայաստանի նվաճումների մասին և մոզական լապտերով ցուցադրել է պատմական և արդի Հայաստանին ու Վրաստանին վերաբերող նրկարներ:

«Աշխարհ», 18 փետրվարի,
«Լրաբեր», 14 մարտի

ԿԱՆԱԿ

Վերջին տասնամյակում Կանադայի Մոնրեալ քաղաքում ստեղծվել է հայկական նոր գաղութ: 1955 թ. գաղութը հազիվ հարյուր մարդ ուներ, իսկ այժմ՝ հինգ հազարից ոչ պակաս: Գաղութը ներկայումս ունի շորս եկեղեցի, շաբաթօրյա և կիրակնօրյա դպրոցներ, կրթական խորհուրդներ, մշակութային միություններ, երկու լրատու թերթեր և այլն:

«Պայքար», 1 ապրիլի

• • •

1967 թ. հունվարից Մոնրեալում ստեղծվել է հայ գրասերների խմբակը, որի նպատակն է հետաքրքրություն առաջացնել դեպի հայ գրականությունը:

Մինչ այժմ տեղի ունեցած վեց հավաքություների ժամանակ լսվել են զեկուցումներ Հայաստանի գրողների V համագումարի մասին, հայկական ռեալիզմը և Գրիգոր Ջոհրապը, Համաստեղը և իր վերջին գործը՝ «Առաջին սերը» քննմաների շուրջը և այլն: Բացի սրանից հաղորդումներ են տրվում հատկապես Հայաստանի գրական կյանքի մասին: Որոշված է կազմակերպել գրադարան և բաժանորդագրվել Հայաստանի և արտասահմանի գրական կարևոր թերթերին և ամսագրերին:

«Լրաբեր», 29 ապրիլի

ԱՄՆ

Փետրվարի 4-ին Ամերիկայի Ուիթրեր քաղաքում հայ նշանավոր ջութակահար Վարուժան Գոճյանը համերգ է տվել Լոս Անջելոսի Ֆիլհարմոնիայի խմբի հետ:

«Աշխարհ», 18 մարտի

• • •

Մոնտեպելլո քաղաքի Պիքնել այգում ապրիլի 23-ին, Հայկական հուշարձանի հանձնախմբի ջանքերով և Լոս Անջելոսի հայության մեծ աջակցությամբ, 5000 հոգու ներկայությամբ հիմք դրվեց հայ նահատակաց հուշարձանի կառուցմանը: Հանդիսավոր արարողությանը ներկա են եղել բարձրաստիճան քաղաքական գործիչներ, կրոնական ներկայացուցիչներ, ազգային ղեկավարներ, մամուլի ներկայացուցիչներ, Մոնտեպելլոյի քաղաքապետը և քաղաքապետարանի անդամները:

«Լրաբեր», 13 մայիսի

• • •

Լոս Անջելոսի հայ կրթական տան սրահում ապրիլի 23-ին Հրանդ Ք. Արմենը դասախոսություն է կարդացել Տիգրան Մեծի մասին:

«Լրաբեր», 23 մայիսի

• • •

Փաստատիկայում մահացել է նշանավոր քանդակագործ Նշան Թուրքի Քարի, փայտի, մարմարի և բրոնզի վրա կատարած նրա ստեղծագործություններից շատերը ցուցադրվել են նշանավոր թանգարաններում:

«Պայքար», 1 մարտի

ԱՐԴԵՆՏԻՆԱ

Արդենտինահայության թիվը հասնում է 50000-ի, որոնց մեծ մասը կենտրոնացած է Բուենոս-Այրեսում, Կորդոբայում և Ռոսարիոյում։ Աղգային գործերը ղեկավարում է Կեդրոնական վարչությունը։ Գործում են բարենպատակ հաստատություններ, դպրոցներ, հրատարակվում են թերթեր։

«Արարատ», 23 մայիսի

ԱՎՍՏՐԱԼԻԱ

Ավստրալիայի հայ գաղութը վերջին տարիների ընթացքում քառապատկվել է։ Սիդնեյում այժմ կա 8000—9000 մարդ, իսկ Մելբուռնում՝ 1500։

Սիդնեյում գործում են Հ. Բ. Հ. միության մասնաճյուղը և հայկական սրահը։ Մելբուռնում լույս է տեսնում «Հույս» ամսաթերթը՝ Ոսկան Ար. Գալփաքյանի խմբագրությամբ։

«Զարթոնք», 10 մարտի

• • •

1967 թ. փետրվարից սկսած Սիդնեյի հայության համար բացվել է հայկական վարժարան, որտեղ դասավանդվում են հայոց գրականություն, հայոց պատմություն և երգեցողություն։ Աշակերտների թիվն է 87։

«Արարատ», 9 մայիսի

Ն. ՎԱՐԴԱՆՅԱՆ